

2 aña di prison pa maltrato cu sambechi

ORANJESTAD (AAN)— E detenido E.H., kende a worde acusa di ariba 14 di September 1987 intencionalmente a hinca e homber S. cu un sambechi,

Diavierna a worde condena na 2 aña di prison.

Siman pasa Diavierna Corte den promer instancia a trata e caso contra H. Segun declaracion di e

victima S. na Polis, el a topa un persona desconoci

na e cas den Middenweg. E

persona a bise algo y promer cu e por a responde, e

persona a hinke cu un sambechi den su barica.

Juez Mr. Lafleur a remarca cu aña pasa H. tabata involvi den un caso di hincamento, caminda el a hinca un persona pa despues bay corta un cacho. Segun rapport di psiquiatra H. ta sufrir di alusinacion y mester bay den exterior pa ricibi un tratamiento. Rapport di reclasering ta bisa cu diferente biaha a manda H. Capriles na Curaçao pero esaki no tabata tin resultado pasobra ora e regresa e ta bolbe haci mesun cos. Fiscal Mr. Hoogland a bisa cu tin suficiente prueba di maltrato cu arma. Mirando e rapport di Dr. Falconi, H. no por para responsable pero na un grado menor.

Mr. Hoogland a puntra kico e castigo mester ta. Castigo di prison no tin efecto y tampoco tratamiento medico na Capriles. E unico solucion segun Mr. Hoogland ta protehe e comunidad di H. cu na un momento of otro por pasa man pa un cuchio y hinca un persona. E ta un persona sumamente peligroso. Dios gracia te ainda e no a asesina un persona. Mr. Hoogland a exige 3 aña di prison kitando e tempo cu H. a pasa den detencion preventivo.

Diavierna Juez Mr. Roemers a bisa cu a keda legalmente prueba cu H. a comete maltrato cu arma y ta condena H. na 2 aña di prison kitando e tempo cu H. a pasa den detencion preventivo.

Despues di a haya su libertad

Nandwani a bandona Aruba

ORANJESTAD (AAN)— Manera DIARIO a anticipa Nandwani a haya su libertad.

Dia 14 di December 1987, 10.25 or di mainta Nandwani a worde deteni ariba peticion di e Departamento di Justicia di Estados Unidos.

Dia 27 di November 1987 dicho departamento a manda un carta pa Ministro di Justicia Vos solicitando detencion di Nandwani.

E detencion tabata posible basa ariba e acuerdo di extradicion entre Hulanda y Estados Unidos fecha 24 Juni 1980. E acuerdo aki ta valido tanto na Antiyas como na Aruba.

Ayera 11.30 or di mainta abogado mr. E.E.S. Moenir-Alam a entama un caso contra Aruba. Abogado mr. C.H. Lejuez a defende Aruba.

Moenir-Alam a manifesta cu segun e acuerdo cu Hulanda y Estados Unidos a cera, despues di 60 dia Nandwani mester worde poni den libertad. Esaki ta encera pues cu ayera 10.25 or di mainta Nandwani mester a worde poni den libertad cual no tabata e caso.

Segun informacion cu DIARIO a ricibi, Aruba a manda e documentonan encunto extradicion di Nandwani Hulanda.

Hulanda a ricibi e documentonan pero ainda no a manda nan.

Encunto e extradicion di Nandwani pa Merca, Moenir-Alam a remarca cu Merca a haya mas o menos 4 luna di tempo pa regla esaki pero te ainda nada. Ta parce cu ta hunga ta hunga cu Nandwani.

Ayera 4.30 or di atardi Juez Mr. Lafleur a dicta

sentencia den e caso y a ordena pa inmediatamente pone Nandwani den libertad. Nandwani a gradici su abogado y Juez y a bisa cu awor inmediatamente e lo bay Merca pa regla e problema cu ta reina aya.

Ayera den horanan di atardi Nandwani, acompaña pa su acompañante y su tata, a bandona Aruba den un avioneta rumbo Caracas.

Accidente di auto den Mispelstraat



ORANJESTAD (AAN)— Ayera merdia 1or y 20 minuut a sosode un accidente di auto ariba T-Weg Mispelstraat.

Un persona a keda levemente herida y cu ambulancia el a ser transporta pa hospital.

Tabata un choke entre un Pick-Up Ford 15100 cu a core y bira ariba su man robes y choka contra un lante Carlo A-4579.

Chofer di e Monte Carlo a keda levemente herida y chofer di e pick-up a sali ileso.

Daño material ta basta mil florin.



Premio 5 mil lotto gana pa un solo persona

ORANJESTAD (AAN) — Numbernan ganador pa lotto pa deporte di e siman aki ta 5-7-13 y 18.

E prome premio tabata di 5 Mil Florin y e biaha aki atrobe a worde gana pa un persona so.

Tabata tin 41 persona

cu tabata tin tres number bon y cada uno lo ricibi e suma di 63.75.

Pa otro siman lo tin otro 5 Mil Florin den pot. En conexcion cu carnaval grandi Lotto pa deporte lo ta cera Dialuna.

Promenade Festival lo bay tuma lugar tur diavierna

ORANJESTAD (AAN) — Pa motibo di e festividadnan di Carnaval a dicidi di pospone Promenade festival pero Diavierna awor dia 19 di Februari lo cuminsa cu e actividad folklorico aki atrobe.

For di 7'or p.m. lo tin presentacionan di tipico latino cu bailenan di

grupo di baile folklorico Quadirikiri, cu soundsystem Hot Stuff. Durante

e festival aki kiosknan lo ta habri cu nan obra di man na venta, cos dushi

criollo y cuminda tipico. Ban topa na San Nicolas den Promenade Diaviera awor.